

九江府志

九江府志卷三十二

人物志

名臣 宦業 理學 儒林 文苑 忠義
孝友 善士 隱逸 方伎 列女 寓賢

將類萃古今人而各加題品體大未必思精班書之人表不無待於刊誤者此也若近在郡邑月旦所評歷久彌定焉潯陽古郡山高氣清士秀於庠民良於野或勳銘彝器或藻曜藝林或矢金石以輸忠或飭廉隅而勵節或畏高賢之宅或快瞻處士之雲男子必為天下奇彬彬乎盛矣矧秦女之 鐵咸曉大義衛女之柏舟允誓舊儀彤管大書門楣生色宜乎入疆問俗者莫不用規矩而念祖擇

九江府志

卷三十二

人物

名臣 德化

一

廉讓而買鄰爾夫愛古人正不薄今人也有為者亦若是此鄉有先正徒語人曰我不能我不能是丈夫也曾小女子之不若抑亦思謝公之於曹娥胡為浩然發嘆者歟志

人物

名臣

晉

德化

周 訪

字士達其祖纂吳威遠將軍父敏左中郎將訪沈毅好交遊賑乏家無餘財元帝渡江察孝廉命參鎮東軍事

督兵與甘卓討平華軼拜振武將軍潯陽太守尋征杜弢豫章石頭弢走湘州復以舟師追杜宏于廬陵宏奔臨

龍驤將軍賜爵潯陽縣侯既而杜曾襲破陶侃於石城逐荆
州刺史王廙徑造沔口大為荼毒元帝命訪擊之訪先為兩
甄僞敗以嘗曾身率精銳直衝賊陣曾遂大潰遷南中郎將
督梁州諸軍梁州刺史屯襄陽執杜曾送王敦斬之訪在襄
陽務農訓卒勤於採納智勇過人威風遠著號中興名將王
敦有不臣之心訪恆切齒敦故終訪之世憚未敢發太興三
年卒贈征西將
軍諡曰壯侯

陶

侃

字士行其先鄱陽人吳平徙家潯陽早孤家貧為邑吏
孝廉鄱陽范逵嘗過侃共談留宿母湛截髮易酒饌以

待賓逵聞益賢之過廬江太守張夔盛為侃延譽夔召侃為
督郵領樅陽令察孝廉至洛詣司空張華華與語異之除郎
中棄官歸荊州刺史劉宏辟為南蠻長史破賊張昌於襄陽
累以軍功封東鄉侯邑千戶陳敏之亂劉宏以侃為江夏太
守加鷹揚將軍與諸軍并力討敏賊平遷龍驤將軍武昌太
守安集流亡又立彝市於郡東大收其利詔侃擊破杜弢獲
其輜重王敦聞侃破弢喜曰若無陶侯便失荊州矣即拜侃
荊州刺史鎮沌口後為杜曾所襲坐免官尋復職如故會杜

九江府志

卷三十一

人物

名臣 德化

一一

弢部將王貢以精卒三千出武陵誘五谿蠻夷以舟師斷官
餉徑指武昌侃潛師掩其不備大破貢遂來降王敦深忌
侃功左遷廣州刺史進至始興而杜宏據臨賀與王機温邵
劉沈俱謀反欲取廣州侃設方略擊破之以功封紫桑侯食
邑四千戶大興初加都督交州軍事及王敦死遷都督荆雍
益梁州諸軍事領鎮南蠻校尉征西大將軍荊州刺史侃勤
於吏職愛好人倫遠近書疏莫不手答嘗語人曰大禹聖者
乃惜寸陰至於眾人當惜分陰豈可逸遊荒醉生無益於時
死無聞於後以自棄耶諸參佐或以菹搏酒器佐戲廢事者
悉取其具投之江又言老莊浮華非先王之法言不可行也
其綜理所至不遺細微雖竹頭木屑咸見收錄蘇峻作逆京
都不守平南將軍温嶠要侃同赴朝廷侃即日戎服登舟趨
石頭賊見壘大驚侃即攻石頭斬峻於陣賊眾遂潰詔以侃
為侍中太尉加羽葆鼓吹改封長沙郡公邑三千戶賜絹八
千匹加都督交廣甯七州軍事以江陵偏遠移鎮巴陵討五
谿彝降之屬後將軍郭默襲殺平南將軍劉允輒領江州侃
上表討默司徒王導欲緩其誅侃報書曰郭默殺方州即用
為方州殺宰相亦可為宰相乎足下云遵養時晦乃是遵養

時賊也竟率兵執默父子五人斬之詔侃都督江洲領刺史
增置左右長史司馬從事中郎四人掾屬十二人侃旋巴陵
因移鎮武昌以張夔子阼為參軍范逵子珧為江東太守辟
劉宏曾孫安為掾屬報舊德也遣將四伐樊城走石勒將郭
敬又破新野遂平襄陽拜大將軍劍履上殿入朝不趨贊拜
不名咸和七年年七十六卒於樊谿詔追贈大司馬假密章
祀以太牢謚曰桓有子十七人惟洪瞻夏琦旗斌稱範岱見
舊史餘並不顯尚書梅陶言陶公機神明鑒似魏武忠順勤
勞似孔明陸抗
諸人不能及也

周

撫

字道和壯侯訪之子也元帝時辟為丞相掾父喪襲爵
除鷹揚將軍武昌太守王敦用為從事中郎與鄧嶽俱

為爪牙敦敗撫與嶽亡走西陽蠻中明年詔原敦党嶽撫詣
闕請罪有詔禁錮之咸和初司徒王導以撫為從事中郎出
為甯遠將軍江夏相蘇峻作逆撫從温嶠討之峻平遷監沔
北軍事南中郎將鎮襄陽為石勒將郭敬所攻奔武昌坐免
尋遷振威將軍豫章太守進監巴東諸軍事益州刺史永和
初桓温征蜀進撫督梁州之漢中巴西梓潼陰平四郡軍事

九江府志

卷三十一

人物

名臣 德化

三

鎮彭模擊破蜀餘寇斬偽尚書僕射王誓平南將軍王潤已
而隗文鄧定等復反立范賢子賁為帝有眾萬人撫擊破斬
之進爵建城縣公征西督護蕭敬文殺征北將軍楊謹據涪
城自號益州牧撫又與梁州刺史司馬勳會兵伐之謹困出
降升平中進鎮西將軍在益州三十
餘年卒贈征西將軍謚曰襄子楚嗣

周

光

訪之子撫之弟也少有父風年十一見大將軍王敦敦
問貴郡未有將誰可用者光曰明公不恥下問竊謂無

復見勝敦異之後官甯遠將軍潯陽太守及敦舉兵向闕光
率千人赴之既至敦已死而祕喪不言光遽見其兄撫曰王
公已死兄何為與錢鳳作賊眾並愕然鳳遂走出光捕鳳詣
闕贖罪故得不廢蘇峻之逆光隨温嶠力戰有功賜爵曲江
男卒子仲孫興甯初督甯州軍事振武將軍甯州刺史在州
貪暴民不堪命桓温以梁益多寇周氏世有威稱復除仲孫
監益豫梁州之
三郡終光祿勳

周

楚

字元孫撫之子起家參征西軍事從父入蜀拜鷹揚將
軍健為太守父卒以楚監梁益二州假節襲爵建城公

世在梁益甚得物情時梁州刺史司馬勳作逆楚與朱序討
平之太和中又平蜀盜李金銀廣漢妖賊李宏李高等卒諡
曰定子瓊勁烈有將略歷數郡代楊亮為梁州刺史建武將
軍領西戎校尉斬叛氏竇衝暨皇甫釗周勳等以靖漢川瓊
卒子
虓嗣

陶淵明

字元亮或云潛字淵明曾祖侃晉大司馬淵明少有高
趣博學善屬文穎脫不羣任真自得嘗著五柳先生傳

以自況時人謂之實錄親老家貧起為州祭酒不堪吏職少
日自解歸州召主簿不就躬耕自資遂抱羸疾江州刺史檀
道濟往候之偃臥瘠餒有日矣道濟謂曰賢者處世天下無
道則隱有道則見今子生文明之世奈何自苦如此對曰潛
也何敢望賢志不及也道濟餽以梁肉麾而去之後為鎮軍
建威將軍謂親朋曰聊欲絃歌以為三徑之資可乎執事者
聞之以為彭澤令不以家累自隨送一力給其子書曰汝旦
夕之費自給維難今遣此力助汝薪水之勞此亦人子也可
善遇之公田悉令吏種秫曰吾嘗得醉於酒足矣妻子固請
種杭乃使二頃五十畝種秫五十畝種杭歲終會郡遣督郵

九江府志

卷三十一

人物

名臣 德化

四

至縣吏請曰應束帶見之淵明嘆曰我豈能為五斗米折腰
向鄉里小兒即日解綬去職賦歸去來辭徵著作郎不就江
州刺史王宏欲識之不能致也淵明嘗往廬山宏命淵明故
人龐通之齋酒具於半道栗里之間邀之淵明有腳疾使一
門生二兒舁籃既至欣然便共飲酌俄頃宏至亦無迂也先
是顏延之為劉柳後軍功曹在潯陽與淵明情款後為始安
郡經過潯陽日造淵明飲焉每往必酣飲致醉宏欲邀之坐
彌日不得延之臨去留二萬錢與淵明淵明悉遣送酒家稍
就取酒嘗九月九日出宅邊叢菊中坐久之滿手把菊忽值
宏送酒至即便就酌醉而歸淵明不解音律而蓄無絃琴一
張每酒適輒撫弄以寄其意貴賤造之者有酒輒設淵明若
先醉便語客我醉欲眠卿可去其真率如此郡將常候之值
其釀熟取頭上葛巾漉酒漉畢還復著之時周續之入廬山
事釋慧遠彭城劉遺民亦遁迹匡山淵明又不應徵命謂之
尋陽三隱後刺史檀韶苦請續之出州與學士祖企謝景彝
三人共在北講禮加讐校所住公廡近於馬隊是故淵
明示其詩云周生述孔業祖謝響然臻馬隊非講肆較書亦
已勤其妻翟氏亦能安勤苦與之同志自曾祖晉世宰輔

恥復屈身後代自宋高祖王業漸隆不復肯仕元嘉四年將復徵命會卒時年六十三世號靖節先生

按靖節先生晉書宋書南史各有傳晉書云陶潛字元亮宋書則曰陶潛字淵明或云淵明名元亮南史因之又以淵明為深明與昭明太子所撰本傳皆不同蓋晉書南史成於唐人之手其諱淵固宜若休文與昭明同時去陶世且甚近何名與字亦復參差互異竊所未解人物志以為在晉名淵明入宋改名潛似為得之原拔

陳

周羅暉

字公布父法嵩仕梁至南康內史臨蒸縣侯羅暉十五善騎射好鷹狗任俠放蕩收聚亡命陰習兵書從祖景

彥誠之曰吾世恭謹汝獨放縱若不喪身必將滅吾族羅暉終不改事陳為句容令後從大都督吳明徹與齊師戰于江陽為流矢中左目齊師之圍明徹於宿豫也諸軍相顧莫有鬪心羅暉躍馬突進莫不披靡太僕卿蕭摩訶副之斬首不可勝計進師徐州與周將梁士彥戰於彭城摩訶臨陣墮馬羅暉進救之於重圍之內勇冠三軍明徹之敗羅暉全眾而

九江府志

卷三十一

人物

名臣 德化

五

歸後以軍功除右軍將軍封始安縣伯總檢校揚州中外諸軍事賜金銀三千兩盡散將士分賞驍雄陳宣帝深嘆美之出為晉陵太守進爵為侯後除使持節都督豫章十郡諸軍事豫章內史獄訟庭決不關吏手人懷其惠立碑頌德至德中除持節都督南州諸軍事江州司馬吳世興密奏羅暉甚得人心擁眾領表意在難測陳主惑焉蕭摩訶魯廣達等保明之外有知者或勸其反羅暉拒絕之還除太子左衛率信任愈重時參宴席陳主曰周左率武將詩每前成文士何為後也都官尚書孔範曰周羅暉執筆製詩還如上馬入陣不在人後自是益見親禮及隋伐陳羅暉都督巴峽緣江諸軍事以拒秦王俊及陳主被擒上江猶不下晉王廣遣陳主手書命之羅暉與諸將大臨三日放兵士散然後乃降文帝慰諭之許以富貴羅暉垂泣對曰本朝淪亡臣無節可紀陛下所賜獲全為幸富貴榮祿非臣所望帝甚器之賀若弼謂曰聞公郢漢提兵即知揚州可得王師利涉果如所量羅暉答曰若得與周公周旋勝負未可知也其年秋拜上儀同三司鼓吹送之于宅先是陳裨將羊翔歸降使為鄉導位開府班在羅暉上韓禽于朝堂戲之曰不知機變位在羊翔下羅暉答

曰昔在江南久承令問謂公天下節士今日所言殊非人臣
之論禽有媿色歷幽涇二州刺史並有能名開皇十八年征
遼東徵爲水軍總管自東萊汎海趣平壤城遭風船多漂沒
無功而旋十九年突厥達頭可汗犯塞從楊素致討羅睺先
登大破之進大將軍仁壽元年入爲東宮右虞侯率賜爵義
甯郡公轉右衛率煬帝卽位授右武大將軍副楊素討平漢
王諒進授上大將軍及陳主卒羅睺請一臨哭帝許之衰經
送至墓葬還釋服而後入朝帝甚嘉尚之世論稱其有禮時
諒餘党據絳晉等三州未下召羅睺行晉絳呂三州諸軍事
進兵圍之中流矢卒送柩還京行數里無故輿馬自止策之
不動有飄風旋遠焉絳州長吏郭雅稽首祝曰公恨小寇未
平耶尋卽除殄無爲戀恨于是風靜馬行見者莫不悲嘆其
年七月子仲隱夢見羅睺曰我明日當戰其靈坐所有弓箭
刀劍無故自動若人帶持之狀絳州城陷是其日也贈柱國
右翊衛大將軍諡曰
壯子仲安官至開府

唐

九江府志

卷三十一

人物

名臣 德化

六

蕭存

字伯誠潁士子家九江廬山下亮直有父風能文辭與
韓會沈既濟梁肅徐岱等善浙西觀察使李栖筠表常

熟主簿顏真卿在湖州與存及陸鴻漸等討撫古今韻字所
原作書數百篇建中初遷殿中侍御史四遷比部郎中張滂
主財賦辟存留務京師裴延齡與滂不協存疾其姦去官風
庫卒韓愈少爲存所知自袁州還過在廬山故居而諸子前
死唯一女存愈題其舊堂曰中卽有女能傳業伯道無兒可
保家偶到匡山曾住處幾行哀淚落煙霞

宋

羅或

景德中扈駕親征至澶淵與宰相參議軍務上遣
或使邊賜以錦衣金帶還鄉領本貫江州刺史

陳巽

字公順祥符八年進士及第歷常州團練推官補武安
節推時侍御李偕守武安事倚巽決凡二十四獄人皆

服其平用荐改著作佐郎知廬陵縣先是樞密副使姜遵嘗
爲廬陵縣民德之至是有前姜後陳之諺移知資州通判潭
州時溪蠻犯約知州事劉夔劉沅繼出行徽巽內修民事外
奉師費凡輪粟帛金錢四十八萬兵械稱之用足於軍而賦

役不加於民。歷知撫州、蜀州、蘄州。所至有惠政。以目疾請老。英宗卽位。遷秘書監。性好學。聲音星歷之技。無所不知。

李受

為太子少保。乞歸廬山。哲宗詔王珪、司馬光、呂公著等餞。飲于資政堂。命賦詩以贈之。其弟柬之以經筵官。乞

歸。詔亦命珪等餞送。如受時。以比二疏云。

王寓

字元忠。父易簡。資政殿大學士。兼侍講。寓。校書郎。著作佐郎。度支員外郎。兼充編修官。國子司業。為起居舍

人。兼蕃衍宅直講。欽宗立。以給事中。命兼邇英殿經筵侍講。轉吏部侍郎。升禮部尚書。翰林學士。建炎四年。賊馬進破江

州。被害。

孔平仲

字毅父。至聖四十七代孫也。父延之。與濂溪周子友善。卒。葬廬山之麓。平仲由新淦遷居潯陽。子孫遂籍德化。

舉治平進士。官京西提刑。坐黨籍。謫知韶州。別駕宗卽位。召遷為戶部郎中。出使陝西。帥鄜延環慶。與兄文仲、武仲俱

有文名。時稱三孔。黃庭堅有云：「蘇聯璧三孔分鼎。平仲尤精史學。著有績世說。行於世。」江南孔氏潯陽為右三孔之中。

九江府志

卷三十一

人物

名臣 德化

七

季誠不愧分鼎云

權安節

字信之。知臨江軍時。江水齧岸。多至傾圮。安節請於朝。得緡錢若干。重築之。民甚賴焉。

元

柳從龍

字雲卿。九江人。志行卓然。年長於吳。草廬而學於吳家。闡闡之中。築精舍曰靜虛。晨省之暇。飽玩聖賢之書。草

廬為作靜虛精舍記。據吳文正公集改撰。

甘楚枋

學通五經。有盛名於世。元興。以明經進士。楚枋屢為江。浙湖廣河南行省。典試官。稱為得人。後官武岡縣令。

明

孫復

通左氏春秋。元末。避兵池州。時何文輝督兵拒偽。漢。聞其賢。召至幕下。與畫戰策。下湖廣。平江西。俘偽。漢。復有

力焉。文輝拜官都督。以師禮事之。洪武中。以明經着授郡學。訓導。卒於官。廬陵劉子高為之作傳。

田化龍

字騰岳武藝精嫻兼萬夫之勇以將才署南湖營守備時永豐賊熾化龍進勦斬俘無算寇敗潛伏山林孤軍

深入被重圍矢盡援絕塵戰而死永豐人立廟祀之迄今有禱必應通志

張安仁

字體靜洪武初知乳源縣以廉能著城池公署學宮壇祠皆其創始撫綏有方至今思之

吳禮

洪武中官金華知縣調嘉興歷河南西平煩劇之地皆以廉能稱擢知河曲州改濟甯後以雲南大理同知致

政崇祀鄉賢

史中

永樂中由太學生任衡州通判守法恤民不憚豪貴尋擢本州太守有中使貪橫經衡州中搜詰其舟密奏于

朝詔命誅之朝野驚服後轉陝西左參政致仕卒以子珍貴贈大夫資治少尹

游端

永樂中由太學生任給事中彈劾無所顧忌升鎮江守有惠政在郡十八年民甚安之

燕善

永樂甲午舉於鄉任湖廣武陵縣令馭吏以嚴撫民以寬號為良吏入覲受勅旌異尋作太僕寺丞

九江府志

卷三十一

人物

名臣 德化

八

呂鐸

字文振正統十二年進士官兵部主事歷副郎成化間轉山東右參議進浙江左參政為人寬簡與物無競又

性廉潔嘗部內帑賑邊故事得私其羨鐸秋毫不染朝野重之

勞鉞

字廷器景泰五年進士歷江浦臨清山陽三縣俱有政聲成化中晉太僕寺丞出為湖州太守澤被千里卒于

官湖人廟祀之

史珍

字廷玉參政中之子也景泰甲戌進士官宿遷知縣簡費愛民不憚權貴嶽嶽有父風不為當道所悅尋遷鎮

江府通判晚節益堅未幾解綬歸

周慰

字民望成化間由太學生任四川巫山令敏於政事有治劇才巡撫都御史孫仁舉荐於朝調巴縣秩滿致仕

劉清

字一之成化戊戌進士任浙江峽縣令改瑞安在官數載惟一之成化戊戌進士任浙江峽縣令改瑞安在官數

官于

夏

英

才字育才成化辛丑進士授南工部主事陞郎中有經畫

有聲八閩卒於官所著
有方田集蒞祚典要

黃

鳳

字延儀宏治初由太學授陵湘縣令練達政體信以御

給親族

廖

紀

字惟修宏治乙丑進士授浙江安吉知州奏績擢南兵

豪出知延平府又歷平陽皆有政聲嘉靖五年
進廣西按察副使征思恩田州叛苗邁疾卒

柳邦傑

號匡廬正德丙子舉於鄉宸濠叛潯城不守傑獨以二

其孝卒得釋謁選得同知瓊州府事政尚平易尤加意窮民

凡所興革皆切中利病黎民倡亂率單騎往安輯即望風解

九江府志

卷三十一

人物

名臣 德化

九

蔡文魁

號斂齋性剛方清介嘉靖癸未進士初授丹徒知縣遇

政得失犯忌諱不願轉通政司參議秩滿廷推巡撫鄖陽因

忤時相意竟委政而歸在林下三十年以講學為事暇則遊

張準

字立之幼孤貧事母以孝苦志向學嘉靖辛卯舉人官

實應知縣縣衝疲多水患準築堤安民至今有張公堤

擢雷州同知奉詔討廣黎奏凱獻功在郡多惠政雷人刻石

萬衣

號淺源嘉靖辛丑進士初授南刑部主事尋遷北刑部

額上廉衣明允得上考轉曲靖道副使曲靖苗民雜處時有

騷動衣調劑三年遂安堵不復為患遷福建布政使時倭犯

更設奇兵待之俄而賊薄城下守者鼓奪奇兵忽出斬首無

興化告急衣從間道趨莆中搜千金買死士各持械登陣

算而莆以平莆人至今尸祝之累官至河南左布政使衣收
納稅糧不假吏胥郡縣輸至者即面兌而去不俟越宿往例
積羨萬餘金衣不入私蓄盡以實常平諸倉今中州尚號爲
萬公倉云未幾以讒罷歸築草堂開三徑爲物外遊教授諸
子及孫又置義田五百畝以贍宗族建家塾教養族子弟及
來學者性淡泊藝圃啜葵菹褐不厭及疾乃取諸負券若干
悉焚之卒年八十一著有草禺
子匡廬圖考人紀新書行世

余文獻

字可徵別號九崖進士博學善文與婁東濟南相頡頏
海內爭傳之性至孝官大參遂請養築慈壽堂奉母旦
夕不離左右居艱凡四方書問皆不忍報服闋乃稍稍補謝
焉方是時嚴蒿柄國以獻同鄉才名噪甚遣子世蕃招致之
絕不一往官兵部時員外郎楊繼盛得罪嵩致之死凡獄中
飲食葯餌及家人安置撫綏一出於獻冒難犯忌不自恤也
事錯見椒山自序年
譜中著有九崖六卷

勞堪

字廬岳嘉靖丙辰進士游歷內外官累遷至左副都御
史有幹濟才爲民興利除弊所在多惠政居鄉如請築
封郭州長堤以禦水患迄今賴焉念江州地瘠民貧北糧交
卸多重累言於朝特免之其居官澤加於民大率類此性敏
慧博學能
文著有集

九江府志

卷三十一

人物

名臣 德化

十

朱袞

字文龍號鍾峯中嘉靖辛酉科鄉試就莆田教諭升南
靖知縣丁艱歸再歷任武城松陽潔已愛民興利剔弊
三縣民俱立祠祀之任滿陞宛平知縣宛隸輦下機務最煩
中官復干擾難制袞治劇理煩綽有餘裕且風裁嚴峻人不
敢干以私臺省交章荐之超擢刑部員外轉郎中清滯獄理
冤抑遇疑案則寢食俱廢必平反而始快計三年全活者百
餘人出守廣西思恩府甫數月即致仕任宛日捐俸置九江
會館買地置義塚于彰義門外袞性恬寡嗜慾所得俸餘
悉以班家族有弟析煙已久不能自存盡推已產與之歸里
後蕭然不肯以片帑干謁覃恩進階中議大夫卒年九十有
五巡按張題其
居曰人瑞云

蔡廷臣

字蓋卿嘉靖乙丑進士筮仕嘉興郡司理泊以御史按
黔士司安國亨逼殺其叔大兵追至會城下一時洶洶

謂宜興師征之廷臣單騎入其營曉諭禍福亨叩首馬前輸
金贖罪性耿直不徇江陵私請遂由順天巡按備兵信陽江
陵過其境不為屈膝卒以山西右轄掛冠
歸杜門謝客二十餘年無一函入公府

王之垣

號蠡澤用之子之藩之弟也事母極孝母疾篤醫無效
垣為嘗糞每旦夕焚香對天默禱病遂愈垣幼而穎異

稍長博通經史隆慶庚午登鄉荐兩中會試副榜任福建漳
平知縣正直不阿清介自矢有政声秩滿解綬歸鄉杜門謝
客太守張養源題其閭著述
頗多惜為兵燬壽八十四

彭國光

號秀南萬厝庚辰進士初仕晉江知縣慈惠有聲欽取
吏科給事凡利弊興革有裨國是者侃侃直言不避權

勢左遷通州副使尋超升山西宣府巡撫時各省告歉光捐
歷俸解部資賑遠近德之卒於官上勅賜半葬

萬嗣達

字禹存方伯衣之子萬厝辛卯舉人初任鳳陽縣令累
升思州知府崇祀名宦轉陞雲南金滄道副使隨告歸

達性鯁直凡地方利病侃侃言之不避嫌疑如建閘修堤革
稅尤其大也府治後延支山為蠹某某侵據致傷來脈已非

九江府志

卷三十一

人物

名臣 德化

十一

一曰達慨然揭首當事一朝清滌其任事慷慨大率類此達
居官清介治家孝友一遵父方伯之訓卒年七十有八子堯
一以崇禎庚辰特用累官工部主事孫邦和以荐辟任大理
知府至今簪纓不墜知為世德之報云著有芋栗園詩集書
經集義
行世

夏日祚

字昌齡號碁石萬厝丙午舉人授廣東博羅令博邑賦
重耗繁多勢抗號稱難治祚潔已愛民息徭役釐火耗

鋤豪強仁聲達於四境訟獄衰息士大夫爭慕其風糧皆樂
輸邑以大治祠入名宦陞陝西靜甯州守蒞政七月以丁艱
歸一日失明遂不仕歸里無長物惟圖書數篋
而已居林下二十載不置產業當事罕識其面

傅宏祖

號謙宇由選貢任福州府通判旋致政歸里獨好古文
辭凡所作有大輅椎輪之致備兵會稽陸某負雋才亦

時就祖請益祖口吃性喜道說與上官語期艾艾皆地方
大計言不及私迴龍磯江樓文筆塔封郭州長堤皆其所建
議磯固則風氣以聚堤成洲土無水患盡為沃壤人永賴其
利至於今犹思之乙酉兵變遂遇害年且八十矣

趙光抃

字彥清乙丑進士父贊化癸丑進士以太倉最入爲工部郎時鄉人曹欽程以媚璫魏忠賢驟陟太僕抃甫第

進士語之曰富貴一時名節千古君不可不審曹佺呼曰趙

倅卒抃獲艱歸後起補工部轉兵部喜談兵才氣雄豪出語

無忌楊大司馬昌齡奇服之屢疏自代乃出撫密雲太監鄧

希詔恣於官一不參會以致生辰并皆趨其轍門敵入無一

禦者因互詰上聞抃獨坐成廣東無何國事日棘天下望在

抃也宜興周延儒再柄國有言抃者周以其年家子也時起

之戍中微示意曰以四萬金進可得永督抃笑而不應遂督

薊薊爲敵衝赴任則城匝如蜂矣命放大將軍砲無敢應者

抃下馬自執炬放之旋囊髯雜二騎馳入城城上鼓吹大作

曰新督蒞任矣圍解希延儒扼於內復誣志完軍敗駢首西市

給太僕寺卿維萬元吉辯受軍事破抃被創非誤國比冤雪復職

黃堯彩 字嗣眉號惕菴倪文正公元璐丁卯鄉試所錄士也崇

府推官尋晉知本府事時中原多故上諭舉人才堪大用者

以聞台省先後疏荐值獐苗亂妖僧田文澤起兵應之官兵

戰失利堯彩單騎出城四十里集兵大戰觀音山悉擒之功

聞晉湖廣布政司參議分守湖北道以母老乞養國變避居

辰州苗菁間居恒縮一敞囊上題佛號日率僮疏園池徙

倚其間不知者謂善自娛蓋銘衣帶澹止水懍懍乎不敢忘

所學也如是者五年乃克問道奉母以歸歸三年卒其著述

有長安詩南歸草黔行集廬游草車中憶錄獐苗事宜歸田

紀略等書

九江府志

卷三十一

人物

名臣

德化

十一

文士恭

字而安號寰中爲人簡重和藹作文準先民而澤以古

晉興安教諭歸不能具舟楫生平輕財如苴

文德翼

字用昭一字鐙巖少已穎異非常崇貞進士司李嘉興

平反得釋者甚多大憖吳中彥父子賄結貂璫武斷鄉

曲戕害善類德翼不避權要卒置於理後府丞戴澳疏劾德

翼汙巖萬狀實爲中彥修怨也上雪其冤坐戴獄卽擢德翼

吏部方大用時以父憂歸里服闋大清定鼎矣先是流

寇初起德翼在嘉興郵書兵憲指畫潯城形勢爲曲突徙薪

計壬午兵破黃梅人人服其先見當憂居里門墨經率士民
日夜備城守後左良玉奔九江翼諷呂督大器葉監司士彥
陰阻之卒西還武昌壬午癸未間流寇居民內外交訐綢繆
調護一郡五邑之生靈免於阡危德翼力居多性至孝官司
李時父訃至適在會城卽號泣徒歸博貫經史長於詩古
文詞所著有雅似堂文集傭吹錄一集二集訟過錄宋史存
讀莊小言行世子
行遠亦有文名

黃雲師

字非雲一字雷岸崇禎庚午進士授給事中歷吏戶刑
兵四科抗疏甄別京卿凡所指陳詳明剴切爲冢宰鄭

元嶽所器重催楚粵餉題免鄖襄諸郡逋欠三十六萬有奇
尋歸卜居蓮花峰下杜門著述有周易裁二十卷毛詩是正
十五卷尚書考異十五卷春秋析疑二十卷三禮會通三十
卷硯北堂說書二十卷正史鉤英三十卷壬癸疏草二卷金
剛強說巖棲志四十卷無擇言四十卷黃氏玉璧二十卷藥
譜明療三十卷珠林如意十卷說文鳩異四卷靈族小史一
卷相讀歲粧寶
苑各一卷等書

九江府志

卷三十一

人物

名臣 德化

十三

續編

國朝

陳奉茲

字時若號東浦乾隆丁卯科鄉試第一庚辰科進士授
四川知縣歷任彭山閬中擢知茂州皆有善政當荆川

爲逆大將率兵討之任奉茲舉礮局及修飭兵興橋路常居
口外山谷間瀕危勞績甚著有三雜土司地當進攻金川之
路官兵猝至三雜長卓爾碼婦人也謂且伐之閉道不通將
校譁言三雜叛矣宜先攻奉茲告將軍三雜未知國家意耳
非叛也請往察而諭之比至一告諭卓爾碼卽散守者具狀
上謝且奉軍過甚謹其後加封其號曰賢順卓爾碼以
謂惟陳公活我又予我以榮也旋晉嘉定府知府及建昌道
居官曰嘗寡出入邊塞多所鎮定兩次引見蒙
恩召對問及家世祖父出身奉茲奏對復蒙
書人旋授四川按察使調河北又調江蘇旋擢江甯布政
使調安徽又調江蘇護理江蘇巡撫熟諳民情洞悉利弊能
以簡明漸祛其患未嘗厲威爲聲名好士樂善獎拔如不及

其天才高厲作詩專法杜子美論者謂樸厚之氣殆足媲之
 生平經歷多異境舉見所為詩凡千餘首曰敦拙堂集已梓
 行世嘉慶四年卒於江甯藩司署年七十有四崇祀鄉賢生
 子五大來斯來方來具來備來道光年敢拙堂詩進呈四庫
余霈元 字鷺門乘珠子性英敏及補弟子員後歲科兩考皆列
 超等第一趙學使佑器之贈句云三年攬盡西江秀落
 落如斯僅數人乾隆乙卯舉於鄉嘉慶己未成進士授刑部
 主事充軍機章京升正副郎辛未會試同考官出守鎮江調
 江甯府署江安糧鹽道常鎮通海道龍江織造兼西新關河
 庫道升徐州道官刑部時總辦秋審情罪有可原者必求其
 生而後已一夜掩卷長嘆厥酌崔恭人問故曰株連者眾礙
 難解釋恭人對以到案開釋曰拘禁遠涉未有不瀕於死者
 是即我死之也獄情有不合上官意者力為申辨同僚勸其
 改擬正色曰以人命曲從長官吾不能也及在外讞安省涇
 縣徐飛隴命案歷數十晝夜核擬情罪上其事以為能
 加道銜旋以辦案疊奉
 褒嘉除淮徐道周防黃運兩河化險為平所到書院增膏火士
 心悅服律已廉潔而於地方要舉尤慷慨樂捐戊子江甯學

九江府志

卷三十一

人物

名臣 德化

十四

宮火捐千金為之倡癸未丁亥淮陽江甯兩郡水災先後捐
 千金採米石設平糶分散餅饘全活無算癸未辛卯聞本邑
 被水災共捐資千金顧全桑梓其居仁厚類如此道光十
 二年卒於官是年經江西巡撫周會同兩江總督陶學政鄭
 臚陳事實具題奉
 旨余霈元准崇祀鄉賢祠

德安

宋

夏安期

字清卿以父竦任為將作監主簿召試賜進士出身累
 太常博士擢提點荆湖南道刑獄除開封府推官徙判

官判三司鹽鐵句院出為西京轉運使盜起部中剽刼州縣
 而光化軍戍卒相繼叛勢且相合安期督將吏捕斬殆盡徙
 河東轉運使累遷尚書工部郎中徙江淮發運使入為三司
 戶部副使會元昊納欵西邊罷天命往陝西與諸路經略安
 撫司議捐邊費頗奏省吏員及汰邊兵之不任役者五萬人
 擢天章閣待制遂為陝西都轉運使徙河北進兵部郎中時

竦為樞密使為請還所遷官丐淮浙一郡復以為工部郎中
江淮發運使徙知永興軍進龍圖閣直學士吏部郎中知渭
州簡弓箭手得驍勇萬人為步兵騎又半之教以戰陣法由
是士兵勝他路又籍塞下閒田募人耕種歲得穀數萬斛以
備賑發名曰貸倉遷右諫議大夫進樞密直學士徙延州未
至丁父憂服除辭所進職復為龍圖閣直學士兼侍讀提舉
集禧觀以學士復知延州州東北阻山無城郭敵騎常乘之
安期至即大築城時方暑士卒有怨言安期益令廣袤計數
百步令其下曰敢言者斬躬自督役不踰月而就元昊請畫
疆界朝廷遣使問安期安期對曰此不足煩王人衙校可辨
也議遂決暴得疾卒詔
遣中使護其喪以歸

王

阮

一名元隆韶之曾孫少好學尚氣義隆興元年舉進士
對策極言宜遷都建康以圖進取紹興中知濠州修戰
守具甚設金人不敢南侵改知撫州韓侂胄聞阮名特命入
奏阮對畢即出關侂胄大怒批旨奉祠于是歸隱廬山盡棄
人間事從容
觴咏而已

九江府志

卷三十一

人物

名臣 德安

十五

吳革

字時夫元子也三領舉于漕肄業白鹿洞書院理宗朝
任撫州崇仁尉累官文華閣學士刑部尚書沿江制置
使江東安撫行宮留守知建康府兼淮西總領每以崇
正學基化本宣德達情為己任卒贈光祿大夫諡清惠

國朝

燕侯然

字仲諾號蒲南十八齡舉雍正壬子鄉魁乾隆丙辰會
魁授兵部主政以外艱歸眷戀太宜人食宿不離兄任
家政凡事必稟命唯謹自總角同居七十餘年未嘗失色服
闋復北上擢員外郎西川寇匪滋事侯然督餉不寢食者七
日次年直隸省旱災復命散賑適官帑不足請捐三年俸米
以助旋補馬政廳卻舊規費執法不稍偏徇有棚頭饋酒一
罈扛運甚重侯然疑之召堂吏面開盡屬白鏹大怒擲還竝
加責革官至監察御史兼理刑科給事中以疾告歸課子孫
十餘年尚醕謹宗先正布衣糲食鄉里不知其為宦者垂老
手不釋卷絕足不履公庭而待人寬恕臧獲無忤焉享壽
七十八歲無疾而終生子七珪璋特達珪璋成進士授廣東
臨高縣昌化縣知縣有政聲達以選拔領鄉薦任南昌教授

環嘉慶辛酉拔貢餘四子俱補弟子員孫九人長孫鐸以選拔就州判其後裔繁衍無白丁迄今曾孫輩俱噪名庠序云

瑞昌

國朝

文柱

號東川宋右丞相信國公十九世孫性敦篤以拔貢考授小京官歷陞主事員外郎記名以御史用行走兵部十餘年奏辦回疆軍務及兩次兵差矢慎矢勤堂官皆倚為左右手屢列刻章優叙出知浙江衢州府訊結積案陳牘一空值秋旱四縣成災忽奉調充文闈丙監試棘卽兼程返衢籌貲放賑八閱月出納不假手吏胥蕝事得餘貲交商權子母為未雨綢繆計有匿名投匭謗總鎮者營卒誣指同隊七人大府檄柱鞫訊事無左證立釋之衢俗多溺女為歌勸禁悽惋動人其風遂息衢多火災添製水龍車立十二法以垂久遠捐俸助正誼書院膏火延師督課文風益振以考績為諸郡最移知杭州甫半載雜治命盜文簿五十餘宗無不輸伏人誦無冤旋權溫處道歲杪下車有樂清鄭肅恭毆斃

九江府志

卷三十一

人物

名臣 瑞昌

十六

舊傭陳香田案廉得陳實病殞而鄭為前令所誣立平反之升山西河東兵備道兼轄山陝豫三省鹽法釐剔宿蠹齟齬肅清升直隸按察使文書填委剖決如流案無滯牘手定緝捕法程四則至今奉為圭臬壬寅冬奉調補雲南按察使既入覲適江蘇按察使員缺奉上面諭爾一向辦事結實雲南事簡江蘇案牘繁多且一切善後事宜尤須整頓遂奉署江蘇按察使途次復擢授江蘇布政使丞宣三載三護撫篆江蘇財賦甲天下催科撫字利民裕國期於兩全往時水師出洋戈船率多脆薄乃督工選料堅緻倍常凡火攻器具軍鎧弓刀之屬講求盡善故時值海氛初熾而能示鎮靜人心咸恃以無恐藩蘇時以先信國公盡忠大節未經從祀廟廡殊為闕典爰移書知吉安府李鎔經申請大吏陳奏得從祀學宮西廡列宋儒何基之次復修葺其祠宇及蘇之言子祠東林書院邑修紫峯書院郵捐膏費二千金凡有關於風教者次第畢舉以勞瘁卒於官

湖口 湖口自南唐始置為邑其先則彭澤西境也故叙人物自宋起凡宋以前人物見彭澤志者茲不贅

明

張科

字進卿號達泉嘉靖丙辰進士授中書舍人中秘書多鈔以歸卽册府元龜俱有寫本晉陝西道御史巡視中

城尋掌七道印竝以執法聞按視山海關畢復奉命巡兩浙時倭寇繹騷科首諷時政之緩急軍實之修廢參酌調停一洗窳陋又簡精銳以搗倭寇之虛閩廣頓舒其困總制胡宗憲被逮標下遊擊原建昌營亡命殺僇甚眾遂自危率北兵萬餘出武林科以計圖之夜半就縛將入奏徐思主將逮去乘人之危以邀賞仁者不為也竟焚其草嗣奉旨勸趙阮侵沒軍餉忤相臣意遂告歸年二十八歲耳戚黨有與江陵厚者絕不一跡其家居鄉五十餘年稍以聲色自晦人莫測其所操云

段孟賢

字汝愚號蒙岡九歲遊庠十三食餼嘉靖壬戌進士授刑部湖廣司主事會嚴世蕃以罪繫獄孟賢懼其自裁

九江府志

卷三十一

人物

名臣 湖口

十七

加翼護遂為同舍郎所誣幾得罪給事歐陽一敬昌言於朝曰死灰不燃誰不知之不一拜謁於炎炎之時奈何附麗於既敗之後且一新進郎官安能為姦人地耶事稍白出調亳州同知轉温州府通判糧餉常供外不入一錢轉甯波同知攝郡篆勢家有奪僧田者杖其僕而還之倭寇竊發海上計擒其渠魁陞都勻知府鄉官宋儒素不法陷前守數人孟賢廉得其殺人僞符狀抵法死上臺欲縱舍之不得也官終貴州副使其沒也去勻已久百姓聞之巷哭祀名宦祠孟賢案牘盈前頃刻裁決為文纒纒千言在仕途二十載蕭然舊廬不飾一椽尤惡脂韋遭險阻不悔曰直道固如是也父初舉姪孟萱為嗣友愛如同胞數十年共爨萱子克允亦以進士起家

許汝魁

字貞甫號仰亭萬厯丙戌進士授常山令會歲凶多盜未及請先發常平倉賑之活數千人復縱囚如約歸再

三為申詳俱得不死盜亦平息調上海常民攀留者無算上海地處海濱倭寇時至魁備禦無虞又值荒後大修水利荷鍾為百姓先渠成饑民獲濟軍例給白米數萬石歲凶無辦會開河之役自坐日中進麥飯食之且甘軍士感動咸願以

麥代米省金錢無算丁內艱闋值上海乏令其官於朝者連
章薦魁復宰上海奏績為諸郡最行取除南京吏部六年不
受私謁出為荆西道調停楚藩之變排抑中使之橫復請撤
沙陽權稅尋遷榆林兵備道榆林邊垣為沙壅若平地汝魁
率軍掘沙數百里邊牆屹如己酉邊警闔城文武失色魁砍
案為誓三軍奮臂先登斬首數百三年五戰皆捷天子厚加
賞賜勅褒之曰榆林之捷應候邊缺擢用自大參一歲三遷
至左轄出鎮大名擢南京光祿寺卿三載間一署京兆兩掌
成均俱卓卓有聲賜贈祖父母如其官簡南京通政使方推
大司馬以疾卒於官賜祭葬魁持已樸茂有古大臣風冢孫
國楨承蔭官
至工部郎中

鄒逢吉

字五從號夔石崇貞丁丑進士授武昌令未抵任時所
在盜起武昌呂瘦子聚黨謀應賊親識勸其徐行觀變

逢吉日君命也敢遲遲乎疾馳入境既至合官軍往勦賊率
銳專犯逢吉壘意書生不知兵也逢吉冒矢石爭先賊大敗
八日蕩平又與邑紳分汛備江黃流賊立龍虎二營彷彿繼
光陣法令武舉石補天督率訓練賊聞之不敢逼暇即與諸

九江府志

卷三十一

人物

名臣 湖口

十八

生講學臺司以下交薦其才壬午奉欽取寇亂道梗入都愆
期改調山東臨淄縣整理殘疆葺頹垣招流移八月而報政
擢兵科給事中未踰旬京城陷懷宗殉社稷逢吉痛哭自縊
家人解而甦之忽一人鮮衣驟馬來耳語眾弗聞但聞答曰
門生不敢其人且卻且前謬為恭敬復耳語逢吉泣曰非所
望於老師也遂謝去而賊捕騎至矣迫之降不可索金曰吾
廉吏安所得金遂拷繫獄中其僕伺間以梨進投於地曰尚
冀生我乎作絕命辭曰碎首剗心從聖主英魂厲鬼殺狂奴
命市一棺自題明給諫鄒逢吉之柩字畫遒勁大如斗
從容仰砒而卒年四十二一子繼亡武昌崇祀名宦

張道

字以中號性泉嘉靖乙丑進士授餘姚令政簡刑清丁
內艱起任秀水簡直平易催科不擾聽斷不苛緝沈相
之首惡則一門十二口盡獲生全出顧其之厚誣則積案四
五年復見天日擢四川道御史巡鹽河東按視貴州風肅臺
輔尋告病歸居鄉不治生產冰蘖自勵年五十九
卒秀水崇祀名宦太師吳鵬文銘政績記竝勒石

國朝

周厚輅

字馭遠一字駕堂號軒性耿介人不能干以私以優廩舉於鄉聯捷進士官翰林院編修上書房行走遷

湖廣道京畿道監察御史故事四方之赴闕陳訴者皆京畿道主其事輅權其輕重察其情僞務持平而後即安其督理街道也盡力疏濬捐貲以助經營嗣遷戶科給事中巡天津漕務攝長蘆鹽政苞苴屏絕積弊一清上知其有治獄才一歲而詔書五下所讞獄奏上皆報可適以乞假歸還京未至而卒卒之日書籍之外無長物家產僅祖遺而已

彭澤

宋

張夢祥

宣和六年進士欽宗為金人逼之北行夢祥被執不屈金主義而釋之退隱仁磯終身不仕號曰仁山先生

元

陶虢璿

字均政明經修行鄉里推其孝弟大德問縣尹曹靖國表薦於朝授本縣簿祀鄉賢

九江府志

卷三十一

人物

名臣 湖口

十九

明

黃信

歲貢入監洪武間任湖廣道御史歷廣西按察使晉湖廣布政使至右副都御史剛方不屈深得紀綱之體祀

鄉賢

劉隆

本姓王字尚文洪武中由歲貢擢廣州同知勤於政事晉福建參議俄轉廣西參議閩人士慕其惠澤上疏懇

留遂陞福建按察使巡視海道備倭甚整寇不敢窺在官三十餘年操守如一祀鄉賢

歐陽尚誠

以孝友著值元末兵亂練眾保障鄉人賴以安堵太祖征陳友諒師駐彭澤齋牛酒勞師友諒平召至京

師錫以開國殊勳扁額復賜聯大江東去幾千里白西來第一家即受世襲本縣令力辭授本縣丞仍賜鐵券銀碗遣歸弟尚八以從征遇害既喪元猶乘騎奔走如生至家乃墮尚八妻李氏先是洪懸作亂尚誠面奏太祖平洪後其黨復讎李謂其妾曰洪黨不殄我家必被其害母為所辱遂閉門自焚死誠以保障功祀鄉賢

劉剛仲

性冲淡義不苟取事親曲盡愛敬洪武中舉孝廉授浙

柯振祖

性穎敏博學善屬文制行剛方不徇時好洪武中舉賢良方正授湖口學訓導諸生肅然

凌守誠

性豪邁倜儻不羣洪武間以人才舉授興化府倉副使擢知浙江金華府有三異政改知廣東韶州府感上特

知厲精政績擢應天府尹
居官清白宦囊蕭然祀鄉賢

王奎

字友文永樂初舉賢良方正以母老不就後縣乏令當道檄奎署事時大旱奎祈禱精誠入廬山求水道遇僧

沈覺顯為書二符持歸至縣
而雨是歲豐稔倍常祀鄉賢

周泰亨

永樂間進士任廣西道御史巡按直隸湖廣克振憲度百僚肅清終湖廣按察僉事

劉昱

永樂乙未進士任刑科給事中剛正敢言數有建白行己端方士論重之

歐陽剛

字元用宏治間由太學生任南京兵馬指揮使以清慎擢邵武通判晉隨州知州力請解組歸囊蕭然年逾八

九江府志

卷三十一

人物

名臣 彭澤

十忽衣冠端坐誦魯
論首篇而逝祀鄉賢

曾遜

本籍九都橋亭人其先曾永四者從常開平王入郢故子孫世籍郢中為安陸衛人遜少有志以聖賢自期

遊庠屢試有聲由貢士授金堂縣尹在任八年政教簡靜嘗捐俸以佐民賦民愛之如父母不合上官飄然引退行之日

囊橐蕭然士民繪像立祠以
曾孫省吾貴贈工部尚書

陶圻

字仲廣幼警敏不羣識者胡為偉器正德中以歲貢授順天大城學訓轉山東商河教諭獎進士類名彥多出

其門在商河有訟子不孝者有弟訟兄者召諭之皆感泣悔罪評事劉璿以註誤杖死櫬歸貧不能葬為白當道仍捐已俸助之流賊剽掠商河有二女被執誓死不辱為具聞其事表揚之告休歸諸士扳留甚摯圻博學精書隸所著有五倫

箴家禮便宜詠史考正邑人
舉祠鄉賢商河亦祀名宦祠

艾琳

由歲貢任湖廣景陵縣丞致仕生
平慎言篤行好學甘貧祀鄉賢

丁湛

字子一嘉靖己丑進士擢工科給事中
正色立朝多所建白轉吏科左給奉命典試己亥扈駕南巡條陳事宜

務從簡約官民稱便晉禮部都給事中時嚴嵩當國湛疏發其奸詔杖闕下幾斃謫理邵武邵士乏科目久湛為遷學訓

課士風彬彬感惠立祠擢四川參議會川東大侵湛多方經畫民賴以生者數十萬人中丞上其事特賜優獎白草寇川

南勢甚熾直指袁奏遣湛勦撫番人效順稱貢所歷郡邑祠祀不絕已而巡浙海道有勦寇功會黃岩失守嵩猶追罪之

坐落職嵩敗起廣西參政尋轉按察使平猺獞之變推陞河南巡撫引疾歸卒祀鄉賢

陶欽夔

字克諧母夢日墮懷而生嘉靖壬辰科進士授大理評事隨改御史世宗巡郢中欽夔以扈蹕行時上方嚴明

羣臣兢兢救過不瞻河南御史坐謫戍上命擇可者以聞眾推夔遂被命百務控倏皆咄嗟以辦河南民皆安堵上賢之

亟賜食寵以金幣河南饑欽夔疏請帑金數萬全活甚多上賜盡心安輯四字褒之北敵入寇欽夔上疏引宋司馬韓范

諸公以責相嚴嵩深啣之例補太倉兵備歷襄陽辰沅兵備五溪蠻反欽夔計擒其酋龍許保餘黨悉平陞湖廣按察使

九江府志

卷三十一

人物

名臣 彭澤

二十一

轉河南左布政使疾作告歸終於家今楚洛中俱有祠

陶欽皋

字克允生而穎異日覽千言終身成誦弱冠補弟子員時大饑卽上書兵憲陳救荒策嘉靖庚子領鄉薦登甲

辰進士授刑部主事改御史因爭辨東廠擅擬人命呼為大膽御史後京師戒嚴閉城乏薪水民情恟懼舉力疏請

開一門尋奉命募兵徐淮旬日得勝兵數萬上聞語輔臣曰朕固知其有才也巡撫真定將膺大用竟以疾卒於冀州

歐陽一敬

字司直嘉靖進士除蕭山知縣徵授刑科給事中劾罷禮部尚書董份遷兵科都給事言廣西總兵不當

用勳臣因劾恭順侯吳繼爵罷之以俞大猷代寇大入陝西劾總督陳其學巡撫戴才俱奪官又以軍政劾英國公張溶

山西浙江總兵官董一奎等九人不職俱貶斥自嚴嵩敗言官爭發憤論事一敬尤敢言隆慶間陳兵政八事部皆議行

南京振武營兵由是罷去積患遂除中官呂用等典京營一敬力諫事寢俄擢太常少卿督學江公以東採公議祀鄉賢

王演疇

字孟箕號震澤萬厯辛卯舉人壬辰進士任南京工部營繕司陞廣西桂林知府居官廉潔不苟一錢乞休時

家無長物惟有古書千帙右軍字刻及各大家帖耳雅好著書善詩賦真草鏤板刻石慕其筆者不減二王四六亦多膾

炙人口著有古學齋數十卷家訓醉陶和陶集諸學政黃汝亨疏請祀鄉賢祠初仕海甯令士民感惠立祠曰永思

曹文緯

字閻冲初仕刑部主事立朝忠貞不避斧鉞以建言國本不

合落職後光宗即位嘉其忠直賜功在國本額贈光祿寺寺丞祀鄉賢

何九達

字行可號養冲以選貢任來安知縣性極耿介甘恬淡居官清慎當事咸呼為先生隨致仕築隱廬有東籬種

菊北海開樽之風卒年九十餘鄉人以德星目之

劉日曦

字馭初號赤城萬厯庚子由選貢登南闈鄉薦中壬戌進士選江陰縣值魏瑞崇建生祠曦遂去官調浙江龍

遊縣令龍俗苦盜曦悉除之一時屏跡改都察院經歷至南京兵部郎中時勳戚多强悍見曦咸拱服之又撫循衛軍修

明器械兩大司馬交疏以薦陞浙江參議未任告老曦素行嚴毅居家孝友每朔望必集鄰里子姪講聖諭六條尤精大

九江府志

卷三十一

人物

名臣 彭澤

一二十二

易殫心理學著有時習錄鏡心錄易經通解舉業發機等書督學侯特舉鄉賢浙亦名宦祀之

周禮嘉

字體亨號筠冲萬厯庚子科鄉薦生而穎異篤孝友因母老就萬安教諭陞四川重慶江津知縣清操自持值

奢賊據渝郡邑望風披靡悉眾攻津嘉廣募鄉勇竭力守禦兩月後出城與賊戰賊潰隨以監軍同秦良玉用計擒賊恢

復全省兩臺序功交疏特薦象登崇貞壬午鄉薦遂致仕歸田卒祀鄉賢子易象登崇貞壬午鄉薦

計成久

號葛初中萬厯己酉科鄉試任廣東海豐縣令地近海氛屢為患久至防禦有方且廉惠孚民寇不敢窺願聽

招降積寇以平鄰邑俱藉以安海豐立生祠崇祀名宦著有知新錄藏於家

柯友桂

字侶僊號蘧菴崇貞辛未進士任金壇知縣歷任湖廣驛鹽道擢按察使賦性不阿胥吏憚之

喻以恕

字心如崇貞甲戌進士任工部主事管太倉庫清釐出納餘羨皆記籍纖毫不以自潤性寡合為忌者所中左

遷浙江處州府司李恬然赴任益厲冰操治獄多所平反少貧家無寸產居官歷數任皆始終如一乙酉轉秋官郎中復

旋里未一載賁志以終著有硯畚草槿園
集四書詠明詩起古學彙存諸書行世

國朝

劉曉

字映藜少負志節國朝定鼎開黔關滇挾策行間佐參帷幄以人才授宜章令旋轉永甯知州民以福星呼

之康熙十三年甲寅討平吳逆曉以司道能員之薦取用入廣從將軍傅宏烈進勦有功授平樂知府隨領兵攻取賀縣殺賊萬計入奏進取機宜稱旨授參議道銜賞資有加禮旋募兵入粵加監軍道隨師戮力進勦蠻荒所向無敵每以勿殺平民勿擄子女申戒軍士本年守分廣西右江道人德之建祠祀焉缺裁續補浙江糧道詢民瘼革陋規吏肅風清人莫敢以非禮犯者註上考二十八年巡召見丹陽上曰此百萬軍中一書生也賜鹿尾一錫本年夏因病乞休卒於家曉性孝友尤慷慨好義著有從征錄南北遊草

劉堂

字衢又號克菴為諸生刻苦勵行教授生徒即講求仁民愛物之理丙子丁丑連捷鄉會授塩亭知縣有惠政

九江府志

卷三十一

人物

名臣 彭澤

二十三

以憂解去民送之皆泣下時有宦囊似水淚珠滿船之句人以爲實蹟服闋補汝陽令清聲益著行取吏部稽勳主事歷考功文選正郎旋轉給事中掌科印兼理錢局當世宗新政勵精圖治堂期年七上疏有嚴保舉以杜濫進移權關以全商舶減浮糧以甦民困等議帝頗納之最後論科臣與臺臣體統不協遂抗章激臺臣語頗慧上以堂平日自稱實心爲國且有膽氣置西塞忒斯軍中三年召還堂既自西歸家居猶蒙聖眷子鎮寶謁選好授鎮寶雲南令給假省親時堂已八旬鎮寶曰爾父在家可日吾荷聖祖豢養多年厚恩未報今老矣爾當竭力報効母以我爲念鎮寶徇難烏蒙堂聞之歎曰子能捐軀吾死亦瞑目矣其忠愛之性類如此年八十四卒於家堂在垣久凡所奏牘歸卽自焚其草姪鎮國侍堂京師記其五疏卽給諫奏草令就錄其家所著有克菴制舉藝盭亭詩各一卷子四鎮寶後以忠顯

袁學謨

字迪來號梅谷家世儒術少貧嗜學從風雨敝廬中研經汲古得其根柢壯客金陵操選政與許泰交及太史

王瑀友善盡通經史百家言甲午迄甲辰鄉會皆以五經雋
時人目為袁五經旋以進士授石樓令石為晉孱邑多逋賦
謨至治以寬政貸民牛種繼出積俸代輸積逋民賴以甦勸
農田興義學修志繕城掩露豁除樂籍稱慈母焉居七年調
汾陽汾俗險健下車大書八字於庭曰冰心到底鐵面無私
一時豪猾斂跡邑頌神君人謂治石以恩水也治汾以威火
也又二年以循卓遷安甯知州旋解處州同知抑強扶弱課
士愛民上官皆賓禮之厯署郡篆在金華尤多善政時各郡
士民交請留治者以萬計年七十三卒於官性孝友厚族黨
嘗言六經皆自五倫緣起為置義田立規條邑復柳州亦與
有力尤善人倫鑒屢
校闡事薦士皆得人

歐陽枚

字卜一光長子性孝友寡言笑受學於劉克菴先生之
門為文簡練有體登己卯鄉薦雍正戊辰授直隸懷來

令政尚寬平以愛民訓士為本自奉儉約廉俸外絲毫弗取
時明倫堂圯枚捐俸重修與諸生每時講學儒風以振邑罹
水災給民籽種冬則按口捐賑民以慈母呼之初邑西有古
惠民渠旗民構訟案塵莫決枚至不避豪莊愷切敷陳請題

九江府志

卷三十一

人物

名臣 彭澤

一二十四

開渠得允溉田數千頃全活甚多懷邑路通三口差務旁午
枚畫應差事夜檢閱案牘嘗自言曰一息尚存此志不容稍
懈卒於官士
民建祠祀之

柯欽錦

字毓菁號子亭性英敏沈毅貧嗜學淹通經史諸子百
家言作文有奇氣甫冠由邑首食餼即登乾隆辛酉賢

書試禮部入明通榜補景山官學教習期滿授福之光澤令
任三載勤于撫字補貯社穀創興書院勸士民力學敦行率
多善政大吏知其賢能調繁侯官省會衝難案牘集抵任
未踰年積案俱清上憲信任益專每郡縣有疑獄悉以委之
鮮不治者俸滿例陞同知撫軍陳以廉能寬平保舉知府旋
引四月病篤顧弟等囑曰我居官兩地六年未嘗誣一贓枉
一法死可不恨但父親年近七旬不能終事今復不得面訣
罪深重也閱日卒於官署年
三十有八至今閩人謳思之

張光考

字覲文號耿堂性孝友四歲失怙哀毀如成人事母必
得所權村中無肉肆每負粟十數里外易以供餐少從

長兄繼考肄業與二兄耀考共一燈讀討論古今怡怡如也
以廩生中乾隆己卯副車庚辰舉於鄉辛卯選授龍南縣教
諭與縣令泠泮林倡修桃川書院訓課有方士風日振所獎
拔如徐名紱曾邦暉劉懷谷賴汝翼輩皆先後獲售在任十
四年以母喪歸服闋歷署靖安泰和南城新喻學事所至士
子以文質者必爲之探討脈絡講貫義理一如在桃川時壬
子選授湖南永定知縣永定舊屬大庸衛乾隆元年始改縣
地僻民悍稱巖邑光考長於吏治日決數獄無留牘乙卯逆
苗滋事官兵由永順進勤俱經永邑修理橋道給口糧難民
來境者則捐貲撫卹及辦運軍需火藥無稍誤會教匪蔓延
南楚邑東四十里坪民爲所誘惑亦約期舉事時都司陸祖
德調赴鎮守兵少光考預布偵卒盡得其滋事姓名遣城
內外紳士與有舊者先往安輯良善並令擒惡自効潛帶兵
役繼之是以悉就捕誅受僞劊者九名餘各配遣有差自是
永邑安堵次年罷歸優游林下十餘年口不言貧子錦枝官
編修手書惟盡職業戒躁進每少年浮露驚名終非遠大之
器丙寅得超中允信尤諄諄以感激圖報爲念
所著識山堂詩古文制藝稿十三卷存於家

九江府志

卷三十一

人物

名臣 彭澤

二十五

曾選遇

字弁庶號衢垣少有至性讀書作人皆稟庭訓必根柢
聖賢大道由府首拔入郡庠第一乾隆戊子中經魁九

赴春闈中間得而復失者不一而絕不榮懷辛卯留京師
中翰朱榆圃延入內署命庚戌春元公見菴就學焉歷掌浙
之東陽書院吉之禾州廣興書院首以敦氣節明倫理爲重
不逐逐於文字之末乙卯大挑一等籤掣福建與季弟分發
山東榮城令選達同時出都臨別諄諄以勤政愛民致囑入
閩署理清源及潭陽卽題建甯令自攝篆來撫恤百姓獎進
士類聽獄無大小必再三詳慎務當其情人命重案尤細心
研究備極推原惻然不忍遽置之法且清白自勵奉養莫支
諸父老月送薪米以助其廉戊午科與充秋闈同考試官精
心校閱聯捷南官之曾暉春林朝陽皆閩省知名士是其首
選也庚申秋七月蛟水衝城破壞民居數百戶遇一面上聞
迅發倉谷賑濟民命藉蘇者千餘人上憲極嘉許之癸亥春
以告病解任其長子守一適陞安徽休甯令遇於病中猶取
居官切要之端手編一帙幾千餘言以示去時百姓垂淚送
至百里口誦賢邑宰不絕於途歸里壽終正寢享年七十

歐陽大勳

字紀常號約齋捷癸卯鄉試乙卯分發山東署海豐

海豐時邑有狼患又蝗食二麥勳抵任痛自刻責齋戒泣禱

城隍願以身易民害狼悉徙去蝗不為災越一年授即墨令

勳在即墨慎刑獄崇學校為孤貧立院施給衣食每月朔望

必聚士民於忠孝祠告誡勸諭惇誠懇至墨之人樂而安之

續編

張錦枝

字斯製一字佩瓊號四香將誕夕母夢庭樹張錦古芬

弱冠舉於鄉丙辰成進士選庶吉士己未散館授編修充文

淵閣校理上書房行走實錄館纂修官初公應廷試以第

九江府志

卷三十一

人物

名臣 彭澤

一二十六

墨以賜轉官贊中允洗馬未幾又補侍講侍讀等官一歲五

遷詞臣異數公在講筵因事納忠知起居注日直內庭勤

慎自持兩主鄉試一充會試房考所得皆知名士教習庶常

多以經濟文章顯任國子監祭酒年四十以外憂去官服闋

凌鶴鳴

字載萬號焜生一號于九性廉儉好讀書不事生人產

幼失怙奉母訓甚謹登道光辛巳賢書丙戌成進士歸

部銓用家居十二年布衣蔬食晏如也戊戌授湖南安鄉縣

知縣安邑素患水向奉禁不得築堤障公為民籲上游準築

三分之一安民感之名其堤曰凌福坑時有劇盜李十一者

集黨羽踞湖中十餘年民商胥受害公獲盜首七人而湖

肅解任士民遮道攀車留之不得因立生祠祀焉明年署長

沙清軍府又明年署湘鄉篆公久知湘邑富饒素為盜所伺

多方捕緝盜遁去湘俗强悍數興大獄公立剖決案無留牘

湘民感之未幾奉諱歸丁未起復揀發雲南地故苗獍雜處

號難治公初任師宗旋署雲州廣西州繼授大姚縣恩威並
用頑苗猾獠皆捫服後因年邁解組兩袖清風賦歸田詩有
云兒抱圖書女記詩蓋實錄也甲寅粵匪猖獗公作赤虬髯
記以示慨丁巳夏蹂躪尤甚公姪增生註經創為團練八月
十八夜督勇至九都橋亭殺賊二百餘章程方略皆公指授
也十月二十一日註經復率勇至漸村灘與賊格鬥眾寡不
敵經遂殉難公初聞之哭甚痛繼而曰吾侄死得其所矣明
年長江水師宮保彭諭公督合邑團練公分為七團以靖安
團為合邑門戶稍疎則六團瓦解乃於灤溪街設局防堵尤
嚴其時賊氛充斥邊卡警報曰三至公竭力營救晝夜不遑
安寢秋八月遂以積勞成
疾而逝享年七十有一

九江府志

卷三十一

人物

名臣 彭澤

二十七

